



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-617-5/23**
Datum: **29.01.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica „HOLDINA“ d.o.o. Sarajevo za donošenje Rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije objekta samouslužne autopraonice, izgrađena u sklopu postojeće benzinske stanice Holdina Olovo, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E

Odbija se zahtjev pravnog lica „HOLDINA“ d.o.o. Sarajevo, za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije objekta samouslužne autopraonice koja je izgrađena kao prateći sadržaj u sklopu postojeće benzinske stanice Holdina Olovo, na zemljištu označenom kao k.č. broj 853/1 i 854/1 K.O. Olovo, općina Olovo, kao neosnovan.

O b r a z l o ž e n j e

Pravno lice „HOLDINA“ d.o.o. Sarajevo, dana 25.12.2023. godine, podnijelo je zahtjev za izdavanje vodne dozvole za ispuštanje tehnoloških otpadnih voda u prirodni recipijent sa lokacije objekta samouslužne autopraonice, izgrađene u sklopu postojeće benzinske stanice Holdina Olovo, na zemljištu označenom kao k.č. broj 853/1 i 854/1 K.O. Olovo, općina Olovo.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Kopija Rješenja o izmjenama podataka o upisu u sudski registar, Općinski sud u Sarajevu, broj: 065-0-Reg-23-000682 dana 19.04.2023. godine;
- Kopija Uvjerenja o poreznoj registraciji poreznog obveznika donesenog od strane Porezne uprave - Kantonalni porezni ured Sarajevo dana 03.10.2002. godine;
- Kopija Uvjerenja o registraciji obveznika poreza na dodanu vrijednost – Uprava za indirektno oporezivanje, 12.11.2005. godine;
- Punomoć broj: 012/40005451/18-01-23/10 od 18.01.2023. godine kojom se ovlašćuje Dženan Čorbić;
- Kopija rješenja o urbanističkoj saglasnosti broj: 04-19-1-1734/20 od 17.05.2022. godine, Služba za ekonomske poslove Općine Olovo;
- Kopija rješenja o odobrenju za građenje broj: 04-19-2-1754/22 od 02.12.2022. godine, Služba za ekonomske poslove Općine Olovo;
- Glavni projekat, broj: 509-2/19, maj 2022. godine, urađen od strane „Projekt“ a.d. Banja Luka (na uvid);
- Kopija zapisnika o članova komisije za tehnički pregled;
- Dokaz o uplaćenju upravnoj taksi u iznosu 70,00KM.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozima, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-617-2/23 od 12.01.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat samouslužne autopraonice (dva boksa) je izgrađen kao prateći sadržaj u sklopu postojeće benzinske stanice Holdina u Olovu.
- Za objekat benzinske stanice sa pratećim sadržajima ranije je od strane ove Agencije doneseno Rješenje o vodnoj dozvoli broj: UP-1/21-3-40-184-6/23 od 07.07.2023. godine.
- Samouslužna autopraonica se sastoji od dva natkrivena boksa za pranje vozila i dva parking mjesta za usisavanje vozila.
- Tehnološke otpadne vode od pranja vozila se prikupljaju sistemom betonskih kanala sa rešetkom i kanalizacionom mrežom odvođe na postojeći separator izgrađen za potrebe rada benzinske stanice Holdina Olovo. Izgradnjom predmetne autopronice neće doći do povećanja maksimalnog dotoka zauljene vode na postojeći separator. Mjesto na kome je izgrađena samouslužna autopraonica ranije je korišteno kao parking površine u sklopu benzinske stanice.
- Saobraćajne i manipulativne površine su završno obrađene asfaltom/betonom sa padovima prema slivnim rešetkama.

U skladu sa članom 18. stav (1) tačka 2. Pravilnika o sadržaju, obliku, uvjetima i načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), proširenje kanalizacionog sistema na način da će se dograđeni dio uključiti na postojeći sistem za koji je već izdata vodna dozvola, predmetna aktivnost ne podliježe obavezi ishodovanja vodnog akta.

Imajući u vidu navedeno i na osnovu utvrđenog činjeničnog stanja, a u skladu sa članom 200. stav (1) Zakona o upravnom postupku, članom 109. stav (1) Zakona o vodama, riješeno je kao u dispozitivu ovoga Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-617-3/23 od 12.01.2023. godine.


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka
Nihad Pezo, dipl.inž.građ.

Po ovlaštenju
Rukovodilac sektora za izdavanje
vodnih akata


Haris Ališehović, dipl.inž.građ.

Dostaviti:

- „HOLDINA“ d.o.o. Sarajevo, Azize Šaćirbegović 4b, 71000 Sarajevo
- ⊗ AVP Sava, ISV – Vodna knjiga
- Sektor 50
- Sektor 40, arhiva
- AVP Sava - Oglasna ploča